

ديوان وطن في القلب

أشعار
فاطمة عجينة

مكتبة جزيرة الورد

مكتبة جزيرة الورد

اسم الكتاب : ديوان وطن في القلب

اسم المؤلف : فاطمة عجيبة

رقم الايداع / ٢٠١٦/١٥٨٢١

حقوق النشر محفوظة

مكتبة جزيرة الورد

٤ ميدان حلیم خلف بنك فيصل الرئيسي

شارع ٢٦ يوليو من ميدان الأوبرا

ت : ٢٧٨٧٧٥٧٤ م : ٠١٠٠١٠٤١١٥ - ٠١٠٠٠٤٠٤٦

الطبعة الأولى ٢٠١٦ م

إهداء

إلى أمي الحبيبة " الأم المثالية " .

التي كانت سبباً حقيقياً في نجاحي واسعادي من خلال نصحتها
الدائم ومعاونتي على الاستمرار فلها مني كل شكر وحفاوة .

إلى زوجي الحبيب " أبو أولادي " .

الذي كان وما زال من أهم أسباب تفوقي لم يخل بالعطاء وإزالة
العقبات من طريقي وتشجيعي المستمر فله مني كل حب وتقدير .

إلى أصدقاء الدراسة والعمل الذين يشجعونني على مواصلة
التفوق وغرس روح التحدي بداخلي .

فكل هذه الأسباب كانت وراء نجاحي .

كما أحمد الله من قبل ومن بعد وما توفيقني إلا بالله لأنه سبحانه سخر
لي سبل النجاح ومثل هؤلاء الأشخاص .

مقدمة

في بحور هذه الموجات الصاخبة الهائلة وفي خضم هذا الضجيج السياسي والاجتماعي وسلاسل الدم وخصام الابن للأُم والحياة التي أصبحت للأسف بعيدة عن الإنسانية تتغلب فيها المصلحة على القيم فقد غلب المال والجاه والسلطان وتراجعت القيم في نفوس البعض .

السياسة ضجيج والعبادة عادة والسلوك نفاق رغم كل هذا إلا أنني سجلت قصائد في حب الوطن ومعاناته ومشاكله أملا في البحث عن حلول ورغبة في عودة الانتماء والاحساس بقيمة الأرض .

فقد شرحت قصائدي في حبي وانتمائي للوطن التي أرجو أن تعود مرة أخرى فليس لنا مكان بدون وطن وكيف يكون الوطن دون انتماء لذلك فعنوان ديواني : " وطن في القلب " .

الافتاحية

حببتي مين

سألوني عن خوفي عليك

وليه دايا بتحاك أنا بيك

في ايه يعني زيادة عن غيرها

قلت إزى دا خيرى من غيرها

قالوا كمان ظلمتني كتير

قلت هواءها في قلبي عليل

حضرها دافى عمره ما يميل

قالوا حببتك فاردہ ضلوعها

قلت وماله وأنا أداوي وجعها

قالوا حببتك قاسية عليك

قلت stop دا أنا مهما داريت

عمري ما حأنسى أنها صابنتني
وواقفة معاي والناس ناسيني
حد يا ناس يقدر ينساها
وأنا كل حياتي كده في رضاها
وفي الغربة بأحن إليها
وأفكر في أيامها ولياليها
وارجع أقول ساحيني خلاص
أنا من غيرك مليش إحساس
عاش من غير روح جواي
علشان قربك هو مناي
بصراحة انت ما ليك مثيل
وأنا كان نفسي أرد الجميل
وأعلنها وبكل صراحة
بحميك وتعيش مرتاحة

وسأحبيني لو يوم غلطان
أنا في الآخر أنا إنسان
وبأطالب بحقوقى أنا فيك
يمكن أقدر يا حبيبتي أفديك
وأضحى بروحى علشانك
ولا أشوف حد يهز مكانك
أصلك غالية يا روحى عليه
علمتني معنى التضحية
وحناني بقى كله دا ليك
تعيش يا رب وأقدر أحميك

وطني مين يشبهك

قالوا عن مصر

أم الدنيا ولف الدنيا

حترجع تاني تعرف كل معاني كلامي

وحتحلف إن بلدنا الغالية دي

أم الدنيا

فعلاً غالية يا مصر علينا

ولو بأيدينا نضحى بروحنا

من غير حد ما يجرح فيك

أو يقدر حتى يعاديك

دا أنت يا بلدي غالية عليه

علمتني معنى الحنية

واتربيت وعشت أنا على خيرك

إزي أنسب فضلي لغيرك
والله يا بلدي ما ليك شبيه
ولا بيهمك مية تشبيه
وزي ما فيك ناس بتدمر
نلقى شباب في الصحرا بيعمر
حفرو قناة وصنعوا حياة
دا الخير بينا انشاء حيكر
ودا كله علشان عزيمتنا
وإصرارنا نواجه أزمنا
ولا بيهمنا من التهديد
علشان قلبنا على بعض أكيد
وأرجع تاني وأقول من الأول
مصر أمان اليوم وعامنول
يكفي إن الإرهاب متخفي

مهما حي عمل خبرنا مكفي
لكن بص يا عيني على ليبيا
واللي جراها
وسوريا كمان واللي بيجرى لها
ناسها يا عيني من الخوف هجروها
ورفضوا يعيشوا جواها يحموها
وغيره وغيره ومهما راح أحكي
بلدي أمان وأمانها دا يكفي
وأخيراً يحميك يا بلدي
علشان تقدرني تحمي لي ولدي
وأحفظ جيشنا يا رب أمين
والشرطة احنا مش ناسين
دول هما لينا حصن أمان
شرطة وجيش والحق بيان

وطني

مصر دي وطني ... أفديها أنا بروحي
والأرض دي أرضي ... بتداوي جروحي
والنيل بيروينا ... يحمي أراضينا
ويا مصر يا أمي ... أفديك أنا بدمي
ولا أشوف دموع عينك ... نازلة بتكويني
وتحية للشهدا ... اللي بيحمونا
وعلى الحدود واقفه ... للي بيعادونا
رافعين في أيدهم ... سلاح يشرفنا
راح يقضوا على العُمله ... والكل يعرفنا
إن أنا المصري ... ولا يمكن أتساهل

يا رب احمي مصر
يا رب احميك يا بلادي
يا ساكنة في روحي وفؤادي
يا مصر يا بلدي يا معادي
يا أرض أجدادي وأولادي
الثورة قامت في الميادين
وخصومها يا ناس دول مصريين
يا رب ارحمنا قولوا آمين
دا شعب النيل صابر وحزين
حافظوا عليها من الأعداء
أملوها حب وخير وولاء
عايزين بلدنا تعيش في صفاء
وكفايه كره وغیظ وعداء

أصرخ معانا بصوت مسموع
وأمسك في ايدك علم مرفوع
يمكن نداوي هموم ووجوع
ونلم شمل حزين موجوع
دي بلدنا نفديها بالروح
وتعيشي يا بلدي طريق مفتوح

وآه يا مصر "الطيارة المنكوبة"

وآه يا مصر صعبانه عليه
مليانة هموم كده وأزيه
بيحاولوا يهدموا أراضيك
والظالم عيناه كده على عيناك
عبارة ومرة وطيارة
وحرايق ونفوس غدارة
ويا رب لو كانوا عايشين
ارحمهم يا رب آمين
ولو كانوا ماتوا دي مأساة
ولا ليهم غير بر نجاة
ارحمهم من فزع النار
دول قاسوا وماتوا أبرار
ويا رب صبر أهاليهم
وعوض علينا وعليهم

الباخرة سالم اكسبرس

ابني حبيبي بعث لي جواب
قالني خلصت من العذاب
رزق جديد يا امه على الباب
والنبي يا امه بلاش عتاب
عارف إن قلبك داب
حاجي أجازه بعد غياب
عايزك يا امه تكوني مرضية
تدعيلي وانت مصليه
حاجي أشوفك وأجيئك هدية
انتظريني الأجازه الجاية
عايزه أجيئك أيه يا عينيه
الدنيا كلها هايته عليه
نفسى تضميني بحنية

رُحّت وجريت على الميناء
ودموعي من الفرحة حزينة
أخيراً حاقابل ابني الحيلة
فجأة سمعت صراخ ونواح
قالوا اللي على المركب راح
ناس غارقانة ومرمية
غير اللي ضايعين في الميه
قلبي دق وعيني بتذوغ
عايزه أعرفله هويه
ماسكه صورته في ايديه
روحت فين يا ابني الغالي
لا أنت حي ولا اقبالي
أعمل ايه وأروح على فين
نار في صدري وعينه

شوفت الغلبان

سألوا غلبان عن سر ضحكك

إنت إزي يعني بتضحك وشكلك باين عليه سعيد

دا أنت فقير دُق مش لاقى

بتقضي يومك جري وتنهيد

رد الفقير

وقال وماله هو الفقر فقر الجيوب

لا يا سيدنا الفقير هو اللي مليون بالعيوب

شغال يوماتي

بأسعى على رزقي بالحلال

وأقل حاجة كده بترضيني

ودايبا راضي بأي حال

فقير في جيبى ومش معاي

بأحمد ربي وراضي دايا وده كفايه
لا عندي عله زي فلان
غني ورايق لكن تعبنا
بيجمع في مال وناسي الفقير
وكل همه يبقى الكبير
عرفت ليه وشي سعيد
وراضي بحالي ومش عنيد
طالب رضاك يا رب الكون
تديم سعادتي دايا وأكون
شاكر لفضلك على كل حال
قناعتي في الرضا وراحة البال

ليه يا بلدي

ويا بلدي جرى فيك ايه

والظالم راشق بعيناه

حرايق في كل مكان

في العتبة وكمان في بولاق

غير سرقة وخطف وخناق

وأخرهم طيارة كمان

منكوبة وتاه الإعلان

ومصادر قالت مخطوفة

وأثينا تقول دي حطام

وفرنسا بتسن لجام

ويا بلدي مات منك كام

أنا عارفة إن الظلم محاوطك

والظالم بيزيد في مخاوفك
والفتنة يا ريت بر البيت
كنا نقول هانت وعديت
وآه يا بلدي مظلومة من مين
مين ضناك ابو قلب حزين
اللي ضحى بيك علشان
يتهنى بشوية مال
نسى أرضه وعلى المبدأ مال
وضيعنا وسلم بالحال
ودا كله علشان ايه يا ناس
علشان سلطة مفيش احساس
على أرضه يدوس بايده
وإزي بس هانت عليه

ما هو أصل زمان قالوا في الأمثال

"دود المش فيه يا عيال"

والضربة جايه لنا منين

طبعًا مين ناس وسطنا عايشين

لكن عايشين من غير روح

بتتألم وقلبنا مجروح

وشايفين وراضين بالحال

والله الدين عمره ما قال

نتقاتل طبعًا دا محال

الدين قال

اعتصموا يا ناس

بحبل الله ... وعيشوا بإخلاص

ويا خساره ضاعت الأخلاق

وبقايينا في نزاع وفراق

وآه يا بلدي ... منه الله ...
اللي بيخطط لازى يلقاه
ويا رب نعيش على طول
ونملأك زغاريد وطبول
والمحن أكيد حتقويننا
وحتزود عزيمتنا فينا
نصبر بس ... دا الصبر جميل
وانشأ الله مفيش مستحيل
ومحروسة ومحفوظة يا مصر
دلوقتي وفي كل عصر

رسالة للوطن العربي

الوطن العربي لو اتجمع

عروبتنا يعني محبتنا

يعني نساعد بعض شويه كده في محبتنا

ودي رسالة للوطن العربي

يتجمعوا ويكونوا إيد واحدة

وقلوبهم لو كانت متحدة

نقدر نغير قرارات

مش بس فوضى وثورات

عايزين حلول جذرية

ونحاول نحل قضية

وتكون رسالتنا دا هيه

عروبتنا بحقوق دولية

والعالم يعمل في حسابه

إن الوطن العربي إذا سابه

وانجمع ثاني وياي أحبابه
الغرب حيث خسر دا أكيد
ولا نافع ظلم وتهديد
ويا ريت يا عروبة تكوني
حاسة بهومي وبشجوني
ونتوحد كفاينا فراق
دا الوطن العربي مشتاق
مشتاق يرجع ثاني لأرضه
المستعمر هزمه وطرده
والله الوضع حيثغير
دا الخير في بلادنا كتير
والغرب دخانه بيطير
بس انوي يا عرب وانجمع
وقفنكم دي يوم حنسمع
ويا رب انصر أراضينا
ولا يشمت العدو ثاني فينا

يا رب احفظ مصر

يا رب احفظ مصر اللي قال عليها الرسول الأمين

أهلها في رباط إلى يوم الدين

وزي ما قال الكتاب

لكل شيء لازم أسباب

ومصر كانت رايحه لدمار

فقر وجوع واستعمار

وفجأة ظهر منقذ همام

اسمه ووصفه راجل المهام

أنقذ بلدنا من البركان

بخبر مصيري قاله في بيان

قال دي مصر دايمًا حتكون

قد الدنيا ... وأنا ليها حاصون

صحيح بلدنا محظوظة يا ناس
فيها رجاله ذمة وإخلاص
من عبد الناصر وراءه السادات
والوطني السبسي حل الأزمات
وقف وتحمل لوحده القرار
وقال في بلدنا رجاله أحرار
فتح دراعة وطب طب علينا
وفي عز الأزمة نلاقه حوالينا
كسب شعبية ملهاش حدود
وخلاص بقى اسمه في التاريخ موجود
يا ما حاولوا أعدائه يكيدوا ليه
ويقولوا كلام وربنا يحميه
وزي ما قال المثل زمان
"تيجي تصيده يصيدك كمان"

وعلشان إنسان وقلبه علينا
كلنا نفديه بروحنا وعينينا
وبأقدم شكري ورسالة إليه
يا رئيسنا المخلص والناس حواليه
وعلى قد حبك للمصريين
حتلاقي الشعب وراك ملايين
إمشي في طريقك وربنا وياك
واحنا وبلدنا والله معاك
شرطة وشعب وجيش
علشان في مصر نعيش

* * * * *

في حب مصر

في حب مصر

كل شيء ممكن يهون
هي الأم وهي الحظن الدافئ الحنون
هي الوطن وهي الأرض
وحبي ليها سنة وفرض

في حب مصر

ايه يا ترى ممكن أقول
خايفه أنسى أو أقصر
في حقها ودي مش أصول
مصر هي الأمان والمكان والكيان
مصر اللي محفوظة ومذكورة في القرآن
مصر اللي قالوا عليها مهبط الأديان

فيها أمي وفيها أبوي فيها صاحبي وجاري وأخوي

في حب مصر

ياما قاسيت

وعن حاجات كثير كمان خبايت

ياما داريت يآسي وخوفي

ياما عانيت وداريت كسوفي

لكن انتماي كان بروضه ليها

وحبي ظاهر وبابن عليها

في حب مصر

ممکن يكون بكلمة حلوة

أو زهرة من بستان غصون

في عهد ممکن بيه أصون

في حب مصر

أقدر أقدم الكثير

أقدر أصنع وانتاجنا يكون وفير

في حب مصر

لازم نضحى ساعتها الخير يزيد ويكفي

لو نسينا الطمع ومعنى الذات

ممکن نلحق قطر الحياة ونعوض اللي فات

في حب مصر

مرفوض الوقوف اوعاك تقول مُضرب أو نعتصم هنا بالألوف

في حب مصر

مش كلام ولا أغنية

أو مشاعر تأثر حبة فيه

حب مصر فعل وصحيح

يعني نغير وضعنا كده بالتصحيح

في حب مصر

قال عليها سيدنا الرسول

خير أجناد الأرض في المبادئ والأصول

في حب مصر

يوسف الصديق فيها عاش

وقال الخير في مصر ما انتهاش

في حب مصر

كلم المولى موسى الكليم

في طور سيناء وهداه للطريق المستقيم

في حب مصر

قالت نفيسة العلم نفسي أموت واندفن فيها

وعلى أرضها الطاهرة الذكرى تحييها

في حب مصر

حتلاقي أحفاد الرسول

سيدنا الحسين اللي حياته تتحاك في كل العصور

في حب مصر

ممکن نلاقي غنيم ونجيب ومجدي يعقوب وسومه والخطيب

في حب مصر

ياما قال عنها أكبر الشعراء

مصر اللي حاضنة في بطنها الغلابة والأمراء

في حب مصر

ياما حلم العدو فيها يكون

له مكان على أرضها وله يصون

لكن مصر الأبية

اللي ولادها مية مية

تقدر تخطي في المحن وتعيد زمان

وتخلد المجد والحضارة

وتثبت لكل العالم ان ليها مكان

مصر مين
هي أمي هي أمك
هي أم كل المصريين
نيلها صافي غزير موافي
يارب دايا مدى السنين
ترابها عنبر مسك مكرر
محروسة داياً من العينين
هرمها عالي للكل غالي
فراعة أصله مصريين
ممر ومعبر لكل رسول
وصفك قرأنا وقال آمين
أدخلوها مصر آمينين
يارب دايا مدى السنين

خير الأجناد هما ولادك
رافعين راية الوفي والدين
ساعة الشدائد واقفين رجاله
وفي كل ذنقة والله سدين
٦ أكتوبر حرب السلام
يارب تعيشوا يا مصريين
فيك مصانع وكمائن مزارع
نهضة وعلم وفن ودين
أحمد زويل راجل عظيم
يارب دايمًا من الفايزين
مجدي يعقوب جراح متين
جراحته فن للتانيين
مصر عظيمة واحة كريمة
ممر آمن مدى السنين

فيك كمان مترو الأنفاق
فن وخبره وناس قادرين
خفف من الزحمة
ورحم الصفوة من المساكين
مصر المحبة الرحمة فيك
للكل فيها ذوق ولين
سذك العالي في مكان غالي
والله احنا ناس غاليين
قناة السويس جسر متين
وصرح عظيم للمصريين
ولائي ليك وأبكى عليك
لو حد فكر من الغادرين
يحميك ربي وتميش مصر دنيا ودين

صعبانة علي يا بلدي

صعبانة علي يا بلدي اللي بيجرى فيك

ولادك يا بلدي ... زادوا مآسيك

علشان منصب يا بلدي ... يخربو فيك

وإزي كده هونت ... والعمر راح فيك

لأ وكمان يا بلدي ... قابلين تعازيك

مش ممكن يكونوا منا ... اللي يعاديك

أكيد دول زرع شيطاني ... موجود في أراضيك

يقتل ويضحى بروحه ... ويقول أنا أفديك

يقتل جاره وصاحبه ... ازي كده ناسيك

نسى انه فيك أتعلم ... وايدته في ايديك

نسى انه كان في يوم ... نفسه يداويك

ولو حد فكر يهينك ... يقول أنا أفديك

راح فين شبابك يا بلدي ... يا شامة العدو فيك
قاعدين بنقتل في بعض ... ونلوث أراضيك
بقى كده الشهامة يا مصري ... دي مصر مش ليكوا
انتوا مش تستحقوا غير قبر ياويكوا ... حتى الجنسية حتضيع كده بأيديكوا
ياريتكوا تسيبوا مصر ... وتنسوا مين ليكوا

* * * * *

قناة السويس الجديدة

افرح يا مصري يا الله

بقى لنا شريان حياة

خلاص بقى لنا كمان أكثر من قناة

قناة السويس الجديدة

حتساعد في الحياة

حتوظف لنا شبابنا

وحتخفف المعاناة

حتزيد في الدخل القومي

وحتبقى طوق نجاة

وتحية للجنود اللي واقفين هناك

اللي سايين بيوتهم ورضيوا بالهلاك

وقالوا احنا حنكمل لو حتى فيها نموت

ولا يمكن نسمح ثاني للفوضى فينا تفوت

وأنا عايزة أحبي كمان

المصريين الجدةان

اللي راحوا على البنوك

واشترؤ فيها شهادات

وساعدوا في الاقتصاد

ووقفوا بالساعات

وبأقول كلمة حلوة للي يقولوا ؟

عيب حافظ على أرضك وعيش في أمان

وبأقول للجيش بتاعنا

ربنا يارب معاك

والعالم كله سامعنا

والشعب بحاله وياك

ويا مصر في قلبي ليك أعظم مكان

في الخير والحب نعيش أهل وخلان

دا فيك نيل وهم

وقناة لنا شريان

ويارب يعم الخير

ونعيش زي زمان

والأمن يرجع تاني

والحب في كل مكان

طوق النجاة

العبادة في الإرادة ويأي شعب

نفسه سيادة شاف بعينه ظلم

غيره لكن صمم على العبادة

اللي غير يوم ضميره

اللي حور كمان في دينه

اللي قال بأعلى صوته

اللي خرج من سكوته

بعد ماداق الاستبداد

بعد الوصل إيجي الفراق

وقف وقال بأعلى صوته

مصر مش ممكن تفوته

الإرهاب إالى عامنا

اللي بالباطل دعانا
لكن فجأة نسى مخاوفه
وظهر شهيم والكل شايفه
بطل وزال عنه الستار
لما خد يا ناس قرار
أخد قرار أنه يصون
وأنه مش ممكن يخون
هو ده زينة الشباب
اللي صفى لنا الحساب
"اللي كشف لنا الأسباب"
هو ده السيسي العظيم
اللي كان غايب سنين
وفجأة ظهر طوق النجاة
علشان في مصر نعيش حياة

اللي جمع الحدود
اللي حيوفي الوعود
كل وعد عليه بدين
حنحلفه يحلف يمين
أنه هيصون البلاد
وان عهده خلاص ميلاد
حملك يا مصر كان عسير
لكن خلاص ظهر المشير
ومبروك علينا يا مصريين
بعد الفراق حب وحنين

مسافر

أنا حارحل خلاص وأسيبك يا مصر
وقلبي بتقطع عليك من العصر
بس غصب عني لازم أروح
وبالسر اللي في قلبي أبوح
يعني آيه عايش في بلدي
ومش لاقيلي مكان
يعني آيه تعليمي كأنه في يوم ما كان
فين حقوقي مش لأقيها
ليه همومنا بنأسيها
كل ريس يجي يتكلم على الرواتب
والوظايف والمكاتب
طب واللي مش لاقى وظيفة
واللي داياها جيوبه نظيفة

ليه نسيته من الحساب
هو ده حق الشباب
نفسى الأقي لسؤالي عندك جواب
ولا لأ ملوش لزوم
هي قضية كل يوم
أنا حارحل من سكات
يمكن الحق قطرفات
لكن خايف أموت هناك
ولا أتبهدل في الهلاك
يعني فيها الغربية أيه
غير بهدلة وظلم نقاسيه
يا ترى يا بلدي ذنب مين
ذنبى إني فيك فقير
ولا ذنب الوسطة وابن مين
ليه يا وطني فيك الفراق

بدل ما تجمعنا الأشواق
ليه أسيب أمي وأخوي
وأبعد عن صاحبي وأبوي
ليه فيك مش عارف أعيش
غير اللقمة ما لقائش
ولا السبب ظلم الحكام
اللي سرقوا منا الأحلام
ولا قسموا الميراث
اللي هدموا لنا الأساس
اللي خلوا النور ظلام
اللي حوروا الكلام
هو الحل في الرحيل
والبعاد أحسن سبيل
بس قابله نفسي أقوله
أكيد يا وطني فيك مسؤول

حنيني مصر

يا الله يا مصري إيدي في إيدك

نبني ونزرع كام فدان

صحرا طويلة ماله نهاية

محتاجة عزم وشباب جدعان

إبني بلدنا وعمر فيها

تبقى صحيح وأكيد إنسان

إوعى الميه تهدر فيها

عارف النيل هو الشريان

شجع كل صناعة مصرية

أصل المصري راجل فنان

إحمي معانا أرض بلدنا

هي الفتنة ليها زمان

مسلم قبطي أي ديانة
كله تسامح في القرآن
أبدأ أنت وسامح نفسك
ساعتها حتوصل للعنوان
كل هدفنا كان في الثورة
يبقى في بلدي لي مكان
وبعد نجاح الثورة خلاص
راح الظلمة وراء القضبان
حتى كمان دستورنا أغير
وبقى لنا صوت في البرلمان
مجلس شعب كل ملاحه
صورة صغيرة من الميدان
كل آمالنا نلقى في يوم
حق وراجع للغلبان

كل مطالبي فيها حرية
نفسي العدل يبقى ميزان
ساعتها حنقدر نبني نعلي
وتفضل مصر أحلى الأوطان
يا الله معانا نحمي الثورة
لا للظلم أو العصيان
يعني الطاعة بس بحكمة
ساعتها حنوصل للعنوان
صنع أزرع وأبني في مصر
حنأكل خيرها ونعيش في أمان

بأحلم

بأحلم بالأمان

وفي بلدي أعيش إنسان

القالى مكان في وظيفة

وأشرب ميه نظيفة

وأشعر بحب زمان

وأشوف لمة جيران

بأحلم بالظلم يموت

واللى ملوش وسطة يفوت

وتخف كده الطواير

وكفاينا حياتنا روتين

بأحلم بعلم مرفوع

بيهز جو الضلوع

أحس بالولاء
وأداوي عليل مشتاق
بحلم بالدفء يملأنا
والحق قد يمشي ورائنا
وفي عز البرد نكون
وقلوبنا للخير تصون
بأحلم من بكره ما أخاف
وأنا قلبي ياما قاسى وشاف
بأحلم تخف الأسعار
قبل الناس ما تنهار
رغم إن ظروفتنا صعبة
وحياتنا مملّة وتعبة
بأحلم آخذ يوم حقي
والدنيا مرة تروقلي

وأكيد حلمي حيثحقق

والعهد الحالي حنصدق

إن الاخلاص دا في يوم

حنعيشه وننسى هموم

وفي عهد رئيسنا السيسي

أفرحي يا بلدنا وهيضي

حنعيش من تاني معاة

وحنسى معنى الآه

رغم ان الحمل ثقل

لكن الصبر جميل

ودا كله علشان مصر

معروفة دايا بالنصر

عزيمة المصري

بعزيمة حنעدي ... رغم إللي جرى فيك
حقك كمان عندي ... وإن طال سكوتي عليهم
الذنب مش ذنبي ... ذنب انشغالي بحالي
وهمومي كده بعيالي ... وأقبل وأعيش وأنا ساكت
وياريت كمان راقت ... ولما زاد حملي
قلت بقى أحكي ... وأجري في أي ميدان
وأصرخ وأقول غلبان
يمكن ألاقي ناس ... تقدر تواسيني
وتصرخ في وش الظلم ... وتقوله يكفيني
ولما الحال انعدل ... وانكشفت الغمة
والثورة نجحت كمان ... وفرحت الأمة
طمع وجشع وفوضى ... وكمان عادونا

ولما وقفنا قصادهم ... قالوا حنمحيها
وزرعوا فيها الفتن ... وقالوا يافيه يا نخفيها
وهتبقى بحور دم ... رد اعتبار لنا
وبدأوا يوسعوا الخلافات ... ويقتلوا فينا
ورغم دا كله يا بلدي شايك ... على اكتافي
بنواجه الارهاب ... اوعاك كده تخافي
انت يا بلدي الأصل والأصل على ... طول باقي
وفي عز الشدة يا بلدي لو عوزتي ... هتلاقي
كلنا فداءك يا بلدي ... يا أرضي وفؤادي
ولو روحنا شهدا علشانك ... وتعيشي يا بلادي
وأمسح دموعك يا بلدي ... وتعيشي مرفوعة
ولا حد يوم يبينك ... والحجة مشروعة
لو جف نيلك يا بلدي ... تملأه كده دموعي
وفي الشدة بيان الأصل ... يا ساكنه في ضلوعي

ولو زاد عليك الحمل ... بأدينا حنساعدك
ونشيل همومك يا بلدي ... وأنا ليه مين بعدك
دا أنا باعيش الفرحة ... لو كنت فرحانة
ولو يوم زعلت يا بلدي ... القاك زعلانة
يا حضن في عز البرد ... دايا تغطيني
وكل أزمة عليه كنت تواسيني ... بالحب تعديني

بحبك يا مصر

بحبك يا مصر

وحبك في دمي وبأحكي عليك

لأخوي ولعمي بأقول دي مصر أرضي وعرضي

وحبي ليها واجبي وفرضي

مصر اللي قاسيت علشاننا الكثير

خونة وظلمة ونسيوا الجميل

نسيوا ان مصر هي الأمان

هي الحزن الدافئ بحنان

نسيوا العشرة وهانت عليهم

يقتل ويغدر ولا يبان عليهم

دا كله علشان سلطة في أيديهم

باعوا الوطن

وآه يا ويلك يا مصري

لو من غير وطن
وطني حمايتي
تاريخي وبدائتي
وذكرى حاسيها لابني وبتتي
دي مصر الأمان ذكرها القرآن
وقال ادخلوها
وعيشوا في سلام
وبعد دا كله باقيلك كلام
"بحبك يا مصر"
يا بلد الهرم
حضارة ومنازة
ورافعة العلم
يا مهبط لكل رسالة ورسول
يوسف وعيسى وسيدنا الرسول

انتصارات أكتوبر

أكتوبر يا تاريخ من نور
أبطالك رجاله نسور
والشهداء أحياء في الجنة
والعائش كان يوم يتمنى
لو ضحى بروحه علشان
في تاريخنا يبقى له مكان
وبجهودهم النصر أهو كان
للمصري شهادة وضمآن
وفي عامه الـ ٤٢
راح نهتف ونقول آمين
يحميك يا أرض بلادي
وتعيشوا يا أغلى ولادي

رافعين راية الحرية
دا المصري قبضته قويه
فرعون معدنه أصيل
والقصة من جيل ورا جيل
لو مر بأزمة يعديها
وأرضه بروحه يفديها
والله يا مصري الله
بالعزم راح نمحي الآه
وأكتوبر حيعيش جوانا
وانتصاراته مقوينا
وحنردد بشوق وحنين
من نصر لنصر مبين
وانشاء الله دايبا على طول
الجيش المصري منصور

أمسحي دموعك

أمسحي دموعك يا أمه ما تبكيش
دا اللي مات غالي علينا ما يتناسيش
واللي غدروا بيه يا أمي ما يساويش
لآ كمان يغدر ويعلن ما يداريش
هو مش ممكن يكون من أرضنا
أو يكون جندي وشارك في نصرنا
لا أكيد يا أمه غريب
عمره ما كان يوم حبيب
أكيد كمان دمه مش دمننا
ولا حس لحظة بدفء في حضننا
أمسحي دموعك يا أمه وما تحبش
دا أنت ابنك مكانه الجنة فيها حيعيش

مسلم وقبطي

طول عمرنا أخوة وجيران
عمر ما بات واحد زعلان
ولا يفرق مسلم ومسيحي
أسمع ترانيمه يسمع تواشيحي
واللقمة نقسمها بحد
وعلاقتنا ولا ليها حد
كانت أمي بتقولي زمان
نجهز حالنا علشان رمضان
وأنا مش فاهم تقصد أيه
يعني جيرانا القبط يا بيه
اندوقهم من عمايلنا
نلقى بركه وخير حايجلنا

يعني اعودت أنا من صغري
انه جنبي في بيتي وفي شغلي
يعني هلال كده جنب صليب
أصل المصري ودود وحبيب

راضي بحالي

أنا عشت ياما سنين

ودموعي سابقاني وأقول يا ربّي

أكيد حتغير في يوم حالي

ورغم ده كله سعيد

وأكلم نفسي وأعيد

أنا أحسن من غيري

ولو فكرت زي الناس الخير ما حيجالي

علشان ده كله مكتوب

وراضي أنا بحالي

وبأقول وأرجع وأتوب

ما أكيد انا الجاني

علشان بأفكر ليه في اللي حوالينا

وناسي كرمك يارب
والنعمة في ايدينا
الصحة يعني مثلاً سبحانه هو العاطي
لو رocht يوم مستشفى أبكي وأطاطي
من حال اللي عيان
ومن ألمه بيهاقي
دا نعمك علينا يارب
بتضيق بأيدينا
ولما نحس بالم
تبكي كده عيتنا
ماهو ديه الإنسان
ضعيف ويكابر
وقليل لو عاش راضي وقال أنا صابر
دايا باصص لغيره

في اللي على كيفه
ويقول غني ومعا
عاش شتاه وصيفه
طب بص للغلبان
وازي كده عاش
مش زي بعض الناس
ريشهم كده هاش
دا عنده عزة نفس رغم انه بيعاني
ودايبا عينه مليانه ويقول راضي أنا بحالي
وأنا ليه مكنتش زيه وبلاش أشغل بالي
وارضى بالمقسوم وحياتي تحلالي
أكيد لو يوم نويت
حياتنا متغير
وحنبدأ من جديد

ومعتش أُنحِر
سبحانه لما يرضى
رضاءه يكفيني
وفي أي أزمة تمر
القاء كده هادينني
والحمد ليك يارب
اغفر لي ذللاتي
عرفت اني غلطان وحاغير كده حياتي

الهجرة غير الشرعية

"سماسة الموت"

تجار بيتاجروا بهمومنا وبعقول الناس
قاعدين على البر بتذاكر وهمية يا ناس
يفروك بالدنيا اللي حتميشها لو رحت هناك
ويقولوا عليها دي مغامرة أداريها هلاك
وفي عرض البحر ... اركب مركب مليانه هموم
شباب غارقانه في هموم محتاجه للعموم
محتاجه حد يفوقها وتوصل لأمان
والبر الثاني حيحققها وحيكونله كيان
لكن ناسين انه مخاطر
وازاى يا حبيبي كده تخاطر
كله علشان مين
علشان يبقى معاك المال حتروح يا حزين

حتشيل كفنك كده على ايدك
وضحي يا غلبان
ولا غنى ولا حرية تفيدك
وحتموت غرقان
وتجار الموت واقفه علشانك كده بالمرصاد
ادفع يا حبيبي يا الله
وسافر واعمل صياد
دي المركب مضمونه يا سيدي
كله على الله
والموت ولا بإيدك ولا بإيدي
دا امر الله
وكأنه تحول لملاك وفي أصله شيطان
عمال يتاكه على وجعك ويقول ألحان
حتعيش هناك عيشة نظيفة وتنسى الأيام
وبدال كده كده في الغربة ميهمش كام

يعني ياتتغرب كده صح
يا بلاش من اليوم
أحسن لي أرجع على بلدي كفايني هموم
يمكن هو صح
بيسفر يوماتي في شباب
لكن مين فيهم اللي بيوصل
دي رحلة عذاب
"لو يوصل واحد بيموت عشرة"
ارجعوا يا شباب
أزي هانت فيكوا العشرة
كفاينا عذاب
دي الهجرة غير الشرعية
يعني بتموت من غير ديه
ودا كله ليه
علشان تجار كده بيتاجروا

بعقولنا دي ليه
لازم وقفه نهاجم فيها
تجار الموت
اللي بيتاجروا بشبابنا
علشان يموت
تدخل فيها حكومتنا والرأي العام
ويوعوا شبابنا انها
قصة مليانه أوهام
وياريت نسمع صدى أصواتنا
بتقولي خلاص
انتهت الهجرة الشرعية
وشبابنا يا ناس
أقتنع بكلامنا دا كله بفضل الله
ورفض يسافر ويجازف ربنا يرعاه

تجار السموم

الادمان أصله سيجاره
بدأت بصعجه كده طياره
قالك مصدع عايز تروق
أشرب سيجارة علشان تفوق
أو حتى خد حبة تيمول
حتلقى نشاط وحماس مهول
سيجارة شدت وراءها سيجارة
ومواضعينا كترت في الحارة
وناس بتشرب علشان تتعاقب
وتقول لغيرها أنا أصلي رايق
وكله اتلخبط على كله
ولا فارقة سن ولا حد همه

ابتدائي اعدادي مش شرط جامعة

دا كان زمان كان لنا سمعة

حتى زمان كان فينا خوف

نشرب نداري من الضيوف

الوقتي عادي في أي مكان

قدام أبوه أو الجيران

معدش يفرق

يعني خلاص ضاعت الأخلاق

والورد اتبدل أشواك

لازم نتابع فين دور البيت

مش أم تداري وتقول عديت

لو كل أب تابع دور

أكيد شبابنا راح يتغير

ويبدأ يفكر بعقل جديد

ويختار صديق له يفيد
ما الصحبة برضه ليها توابع
تفسد تدمر يا الله تابع
أعرف ابنك مصاحب مين
وخلي كلامك له بلين
مش بس أقوله اسمع ونفذ
لازم أشجع وكمان أحفز
والله ده حيفرق معاهم
وحنجني خيرهم ونعيش هناهم
وربنا ينتقم من الظالمين
تجار السموم اللي كانوا ناوين
ينصبوا شباكهم على الشباب
وحنعمل حملة ليها شعار
ياريت نبطل وبلاش أعذار

الصحة تاج حافظوا عليه

واسأل مريض حيقولك ايه

ضرر التدخين ملوش علاج غير المقاومة

عندك ارادة أكيد حتقدر من غير مساومة

ويا ريت نقاوم التدخين

علشان بيسبب مرض لعين

كله سلف ودين

كله سلف ودين

حسنة وسيئة الاتنين

عملك راجع تاني ليك

لو خير تلقاه حواليك

ولو ذنب جنته ايداك

ربنا حيروده عليك

وحتدفع تمن اللي جنيت

وحتندم وتقول ياريت

كنت يارب عديت

لو كلمة في حق فلان

خصوصًا لو غلبان

رجعالك تاني عليك

لابنك او يمكن لك
ولو موقف ظلم في يوم
عملته من غير لوم
حتعيش زيه تمام
وأدفع دينك يا همام
علشان تعرف تنام
وصدق المثل اللي قال
كله سلف ودين
ومكتوب على الجبين

كيف تعامل المرأة

الست انسان ليها دور

مش تمثال بنجمل فيه علشان يكون

أو حتى مجرد زوجة تقفل بابها

قدام الريح حتى لو ييزاز مكسور

ولا واحدة بتتعايق بكلامها

وتقولك ميرسي وبنجور

الست دي كيان عظيم

زي الغصن في لحظة يميل

الكلمة الحلوة تحليها تتحمل حتى أحاديها

وتطبطب وتداري همومها

وتكمل بدموع كده يومها

شوفتوا الكلمة الحلوة يا ناس إزاي بتأثر

مش تعاملها بقسوه وظلم
وكلامك ليها دايا بيقصر
هي طبيعة الست دي ايه
حنية وطيبة انها ايه
لو زوجة مسؤلة وياك
تراعي وتسد خطاك
وليها دور أكبر من دورك
ونجاحك بيها وظهورك
ولو ام الله تلاقيا
لو كلمة حلوة تخلياها
تدعيلك ليل وياي نهار
تعيش يا ضناي وتملى الدار
ولو أخت بتراعي أخواتها
ومسؤلة وبتنسى راحتها

وآه لو كانت الست بتعمل بره البيت
أقصد يعني وظيفة تكمل بيها عبء البيت
الكلمة الحلوة تريحها
وتنسيها كل جراحها
وتديها نشاط وحماس
وترفع رأسها قصاد الناس
أوعى تقولي دا في ستات يكفينا الشر
دول ستات عايشين في هموم
وبيعشموا يرسوا على البر
بس الفرصة جايز عديتهم
وده من اسباب طبعا تعاستهم
يعني خلاصة كلامنا دا آيه
الستات ليها حق يا بيه
والقرآن وصانا عليهم

وسيدنا محمد صلوا عليه
قال استوصوا خير تلاقية
وغضبنا لو كان نذاره
صدقني حياتنا حثغير
ولا عادش فيه خلاص حاجة تحير
دي الكلمة الحلوة دي أساس
أزرع جنية وإحساس
تلقى قلوب الناس دي معاك
والمولى ببسد خطاك
ويارب دي رسالة ورجاء
ننشرها بخير ووفاء

وبعد لك يا زمن

بأبكي عليك يا زمن

وعلى اللي راح مني

بأدفع بيدي التمن

والعمر ضاع مني

وآه يا قطر الحياة

اوعى بقى تعدي

تعبت بكى وندم

بس هنا وهدى

يمكن أعوض شيء من اللي راح مني

والحق مكاني فيك

يا لله اقف عندي

كفاية بقى يا زمن

اعدل بقى وإدي
إدي اللي عمره حزين
واقف ومستني
انك تحن عليه
والحزن يبعد عني
ويارب بأدعي ليك
لوجيت تحاسبني
خفف عني الذنوب ولا تعذبني

قطر الحياة

كل يوم نودع غالي
وياثرى الدور على مين ؟
الدنيا يا ناس زايله
والناس ملهين
بنمصمص في الشفايف
على فراق الغالين
وبعد كده لحياتنا على طول
بنكون راجعين
ويمكن الغالي اللي راح
بنكون له ناسين
نفتكره في المناسبة
ونقرأ عليه يس

ونرجع ثاني لحياتنا
ويمكن نكون ظالمين
ياعيني عليك يادنيا
وعلى الغلابة العايشين
مهما حنعمل فيك
أكيد ليك فاييتين
الدنيا زي القطر ومسيرنا في يوم نازلين
لما تيجي المحطة حتنزل لو كنت مين
لا في حجة حتنفع
ولا وسطة بني آدمين
وأه لو ايجي الموت
واحنا مش جاهزين
ونقول لقطر الموت
سبيننا والنبي راكبين

حتعيش مهما تعيش
وفي الآخر ماشين
فكر تجهز نفسك علشان كلنا مسافرين
" الزاد يعني التقوى "
والصدقة للمحتاجين
أوعاك تأجل عملك
هو احنا ياناس ضامين
وأحسن دايا على الفقرا خصوصا المساكين
وإرضى واقتنع بحالك وقول والله راضين
وصلى دايا وإدعى
نكون من المقبلين
واطلب من الله يسامحك
على غلطات السنين
وإحلف من يوم ورايح

ان كلامك يمين
حأعيش عمري اللي باقي في صفوف المؤمنين
وحأرضى باللي مقسوملي
ويا رب ليك حامدين
ساعتها لوجه دورنا
ننزل وأحنا أمنيين
وحاوصيكوا وصية لو مت تكونوا شاهدين
تقعدوا عند قبري تقرأوا سورة يس
وبعد كده زورني لو مرة كل حين
وافتكروا اني كنت عايش وبعد كده انا فين
ومسيركوا تيجوا معاي مهما تطول السنين

اعمل خير

يا الله يا مؤمن

اسعى معاي لفعل الخير

حب وسامح وافتح قلبك وساعد الغير

ساعتها تحس بسلطة ونشوى وانت امير

أوعاك تكره او يوم تجرح او للمال تبقى أسير

ساعد وأجمع كل ماتقدر

تلقي البسمة ليها عير

أياك تسخر منه وتقسى يعني ذنبه انه فقير

ح⁵اعمل حملة وأعلن فيها ان الخير لطريقي مصير

لازم نفهم علشان نعمل

لازم بروضه أبقى بصير

يا الله نشارك وندعي اصحابي

حنا وسمير

تلقى الخير متأصل فيك وانت صغير
حب وساعد وأرحم غيرك تبقى كبير
يا الله معاي نرفع راية الوفي بالخير
حتى الدين والسنة بينادوا بحب الغير

حب ميت

حببيتي في بالي حتى وانت معاي
بأسمع صدى صوتك وأشوف عيونك في المرايا
معاك بانسى نفسي أنسى همى انسى ياسي
ويا ريتك دايمًا تكوني معاي
حببيتي معرفش أذوق في الكلام
ولا حتى اعمل ألحان
بس نفسي تكوني جنبي للنهاية
عارف انك حاسه بيه
بس مش هي دي القضية
القضية إني اصلا مش معاي
أنا يا حببيتي أتمنى اجييلك
عقد لولي .. شقة فخمة .. وعربية ضخمة

بس لازم صبر تاني علشان يجولي
مين حيصبر مين حيرضى باللي زي
رغم إني رغم سني شهاداتي تكفي
بس حأعمل ايه بالشهادة
المهم حبة إرادة
يمكن أفتح يوم عيادة
او حتى أسافر زي غيري
بس أهلك مش حيرضوا
المهم شقة وشبكة حتى لو عريسنا
سكة مش قضية
حتى لو كانت قضية في النهاية إنت مش ليه
أعمل أيه ؟؟؟؟
رغم حبي رغم حبك
لازم حيتحطم قلبي وقلبك

وحنفرت رغم اللي بينا
رغم مشاعرنا وحنينا
لكن ضعفي ورفض أهلك
حيكون مصيره موتي وقهرك
وانت طبعا خايفه منهم
من غير مقاومة قابلة مصيرهم
زيك أصلاً زي غيرك
عايزه عريس غني يجيلك
مش مهم اصله وفصله
المهم ازي نواصله
خلاص يا حبيبتى يا الله روحي
واقبلي وزيدي جروحي
لازمتها أياه وقفنتا ديه
الحب اصله شعور وتضحية

بس أحلفك يمينا
حتندمي طول السنين
وأوعدك بكل طعنة في قلبي منك
في يوم حاشوفك بتكبري
كثير عن سنك
وانا خلاص مكمل طريقي
والوحدة والذكرى رفيقي
هما سلاحني علشان نجاحي لازم يكون
انا عشت مخلص وعمرني يوم
ما قدرت أخون
حبيبتك بجدة مش حب طائش
وحبك في قلبي دالسه عايش
بس خلاص ملوش لزوم
كلامي عنك بيزيد هموم

انا لازم أنسى كل حاجه تربطني بيبك

وأشق طريقي وأنا ناسيك

ويارب أقدر وأكيد راح أقدر

وأكيد زماني عمره ما يغدر

اللي غدر بيه انت وناسك

طعنتوا قلبي ومات أحساسك

حب من غير أمل

"حب للنهاية"

حب للنهاية حبك جوه قلبي عايش معاي

عمري ما قدرت أبوح لك باللي جوايه

نظرة من عيناك تكفيني

حتى لو كنت بتلموني

وشي كان بيعمر أما أشوفك

واحس برجفة بين ضلوعي

وأحس برعشة لما طيفك يمر حتى في خيالي

"حبك عايش جوايه"

خيروني بينك وبين ناس كتير

يمكن أحلى يمكن أغنى يمكن يمكن

لكن أنت للنهاية

جوه قلبي عايشه معاي
لما حتى أجي أنا
كنت أشوفك في المنام
على المخدة رسمت صورتك
بين ضلوعي حفرت اسمك
وانت فين من ده كله
رغم انك زي ظلي
يمكن علشان كنت جاري
حبك اجمل شيء حصل لي
حتى لو ما انتش نصيبي
حأرضى وأسكت مش حادافع
عن حبي ليك
مش حاول إني أذياك
انت حرة في اختيارك

تقدرني تأخدي قرارك
يمكن ماجاتش يوم في بالك
ولا مر طيفي لحظة بخيالك
يكفيني حبي بس ليك
وكل يوم في حلمي أناديك
حبك خلاني سعيد
رغم إني عايش وحيد
من غير ما تبقى يعني جنبي
لكن حبك بيواسيني
زي شمعة تنور ليلي
هو حبك ياما ياما كتبت فيك
حكايات وقصص وحلمت بيك
وفي لحظة واحدة كسرت قلبي
وبكيت ومعرفتش أخبي

لما قالوا إنك خلاص
فرحك قرب ودعيت الناس
حاسيت بسكينة في قلبي
يعني خلاص ضاع مني حبي
ورغم يآسي ورغم حزني
قدرت أقاوم وأعيش واكمل
وقلت وماله بدال إختيارها
تعيش في هنا وأحيا أنا بنارها
الحب أصله في النهاية
شعور جميل عايش جوانا
مش يعني حأعمل زي غيري
وأقول ازي أسيب مني طيري
يمكن غلطتي الوحيدة كانت سكوتي
فضلت أحبك وسيتك تفوتي

من غير ما أقولك على اللي في قلبي
يمكن تكوني اليوم ده جنبي
لكن خلاص انا مسامحك
وعمري ما حأنسى يوم ملامحك
حبك حيفضل عايش جوايه
ونيس لقلبي حبك حكاية

* * * * *

نظرة عين

لما اقبلت عليها

ولست يداى يداها

نظرت في مقلتيها

وقبلت عيناى عيناها

وارتعش فؤادي عليها

فليس في القلب سواها

وكان لقائي إليها

كلقاء الغارق في بحراها

فهل يا قلبي تراها

تشعر بلوعة هواءها

فدائماً في قلبي ذكرها

ولطالما تمنيت الوقوف على مرساها

فقلبي ظمآن تسقيه عينها
وروحى حيرة يرضيها رؤياها
ففى حديثها شفاء المرضاها
وفى صمتها هدوء وراحة فى سكنها
فكل ما فيها يشدنى للقيها
فأنا اسير حبها وهواءها

لوعة حبيب

قلبي معلق على رؤياك
فمتى ستأتي حتى أراك
فقد طال شوقي في هواءك
ونفذ صبري مين لي سواك
فداءك قلبي وعيني تراك
فهيأ أقدامي ومدي خطاك
فهل غير قلبي مال هواك
فهيأ أفصحي وقولي لباك
ولو اني عرفت بمغزى منك
لزاد شوقي لهفة في مُلتقاك
فمعنى وجودي هو في رؤياك
فهلأ أراني قريب من نجواك

أما زاع قلبك عن رُحماك
فانت الطبيب والدواء فدائك
فكفى قلبي منك كثرة جفائك
فهلا اهتديت وطاب هُداك

* * * * *

مناجاة حبيب

محبوبي :

أراك دائماً في طيف أحلامي
وأشعر بانفاسك تخفف آلامي

محبوبي :

أراك في كاسي إذا شربت
أراك في حزني إذا حزنت
أراك في صمتي إذا سكت
أراك في دمعي إذا تألمت
أراك في فرحي إذا ضحككت

محبوبي :

كيف أبرهن على حبي وإخلاصي
وحبك شاغلي حتى عن ناسي

أما لقلبك ان يشعر يوما بأحاساسي

محبوبيتي :

ناجيتك سرًا فما أرحت فؤادي
وأصبحت سهوا باسمك اناذي
ورسمت حلمي ليكون معادي
فأراك وأجالسك فيطيب سهادي

محبوبيتي :

أخاف عليك من الافصاح في إعلان
وقد أثقل كاهلي كثرة الكتمان
فهلا شعرتي نبضات قلبي التي تشقيني
فمتى؟؟ سأروى بناظري نظرة تحيني

محبوبيتي :

طال انتظاري
والوقت ما عاد يكفيني

فهل سأعيش أحيى على حلمنا

بلا أملا يبقيني

فأنت انت الامل ولا غيرك أبغى أن ينجيني

ألم يرسل قلبي شعاعاً لقلبك فأشعر به ينجيني

ألم ترسل عيني سهماً إلي عيناك فنظرة منها تكفيني

فإلى لقاء غير معلنا

ساحي في انتظاره حزينا

ملهمتي

ملهمتي

ناسك أنا في محرابك
ترى هل أنت الذنب
وأراك أنا بعين قلبي أفلا تشعرين
واحس بنبض قلبك فلا تحيين

ملهمتي

طال انتظارك وبداخلي حنين
وفاضت عيني وأرهقني الأنين
فأنت انت الحياة فمتى تكونين
عونا لمحبوبك الذي بك يهيم

ملهمتي

أعجز لسانك على الصفح المبين
أم تجمد قلبك فأقسم أن لا يلين

تحية للرئيس

طبعًا معاك مهما يقولوا
حافضة جميلك عمري بطوله
وبأقول في سري دا أنت هدية
وغصب عني وعن الدنيا ديه
"واقفين معاك"
وإزي نسيك وانت نصيينا
وحلفت انك تجيب نصيينا
وقلت كلمة عليك يمين
قد الدنيا مصري عظيم
شارب من نيلها حافظ جميلها
مهما يقولوا او يوم يخونوا
حتفضل انت دايا حامينا

وسد عالي للي يعاديننا
حيقولوا عسكر حيقولوا فكر
انت اللي انت بس اللي فيهم
ولا يوم حنقبل حجة تراضيههم
هاجموك وقالوا الدنيا غالية ...
وكل حاجة زادت في ثانية
نسيوا نجاحك في حاجات كثيرة
مدن جديدة وقناة جديدة
وحياتنا بيك بقت مجيدة
٣٠٠٠ طرق سريعة
من كان يفكر او حتى يقدر في الفترة ديه
انه يقدم لبلدنا هدية
وغير دا كله زرع كمان
مليون ونصف من الفدان

قمح يا ناس يبقى أساس
لثروات بلدنا ويساعد ولادنا
ويلقى حماس في نفوسنا ديه
وغير دا كله حل القضية
وفر بنزين واديننا تموين
من غير ما ندفع ولا ملیم
ومش عاجبين ... طب يعمل ايه
وظروف بلدنا قاسيه عليه ... ومش ناسينا
ومهتم حتى بشوارع المدينة
شارع المعز عندك مثال
خلاه مزار وآيه في الجمال
بالذمة ريس ... ولا زيه تلقى في أي دولة
يبيني يدافع وکمان يهاجم والأمن عنده أولى وأولى
واحننا يا شعب قاعدين

بنمصمص في الشفايف
ونقول ونهتف أكيد انت خايف
طب يعمل أيه ... يسيبها يعني ...
ريس حامينا عيشة أمينة
حتى لو غالية مصيرها يوم تروق وتحلى
وحتبقى أحلى بس إن صبرنا
حيكون مصيرنا ... امن ونجاح مش زي غيرنا
ماسكين سلاح
وبص جنبك فكر في سوريا
فكر في ليبيا أو حتى تونس
بقى أيه مصيرهم ؟؟؟
وغيرهم وغيرهم
لكن إحنا لسه والفضل طبعًا لجهود رئيسنا
اللي حامينا وصان أراضينا

تعيش يا ريس ... ويموت عدوك

وتعيش بناسك اللي اخلاصك

خلاهم هما سر حماسك

تسلم رئيسنا بس ياريتك تشوف شبابنا

وتزيح عذابنا ... ساعد كمان عاطل خلبان

تفسه في وظيفه لف ودار

ويرجع تاني جيوبه نظيفة

علشان دا هما سندك وحملك

إزرع حتحصد الخير في شبابنا

وحتعدي بمصر وحتنسى عذابنا

مين هو الشعب

شعبنا طيب شعبنا أطيّب شعوب الأرض

شعبنا فدائي بيحافظ دايما على أرضه ويحميها بالطول والعرض

شعبنا المصري دا أسطورة

ولا يمكن نرسمها في صورة

ولا حتى في غنوة نغنيها

ونقول بلادنا يحميها

شعب عزيمته فيها إرادة

ويحافظ على كل عبادة

شعب عاطفي كده بطبعه

والكلمة الحلوة في توابعه

شعبنا غلبان بيكافح علشان اللقمة

أو حتى في عيد يشترى هدمه

لكنه سعيد علشان في الشدة بيلاقى جنبه

أهله وحبايبه بيساندو

شعب جواه لسه شهامه

مهما اشتدت بيه الدوامة

تلاقي في الشدة الجدة عان

بيدافعوا وبطولة بال

شعب بيوقر في كبيره

ويطبطب على ايد صغيره

شعبنا طيب كلمه تلمه

وكلمه وحشه تزيد همه

جرب لو كنت في مشوار

واصرخ وقول أنا بنهار

تلاقي الناس واقفة وياك

حتى لو كانت مش عارفك

تلاقي هجوم وزحه عليك
ويمكن كمان دموع حواليك
شعب بيتأثر كده في ثانية
لو عنده هموم ماله الدنيا ... جواه إنسان
ورغم إن الدنيا كده معانده
ناسي همومه وبيناجي مولاه
علشان يرتايسترها معمله ... دايما فاكهه
وفي عز الأزمة بيكون شاكه
ودايما بيتقول الحمد لله
ودي كلمة بطيب خاطره
وبيعرف يمشي على سطره
شعبنا طيب ... بيدافع من غير ما يهاجم
وفي وقت الذنقة يقوم هاجم
يعني فتان ... يقدر يلون

ويغير في ملامحه وشكله ... من غير ما يبان

شعبنا من الاخر اسطورة

يتحاك في أكثر من صورة

طيب إنسان ... وعاطفي غلبان

وفي وقت الشدة تلاقيه بركان

رد الجميل

لسه يا ناس والله في الدنيا

خير جوانا عمره ما حيموت

عارف الكلمة الطيبة حتى لها تأثير عمره ما حيفوت

وزي ما قال المثل الجاري

"اعمل خير وارميه في البحر"

لازم الخير ربنا حيعينه ويرجع ليك على مر الدهر

ازرع طيب تحصد خيره

تلقى ثماره جت من غيره

عارف الصدقة دي هي حياتنا

والميت نفسه في حياتنا علشان ايه؟؟؟

على الغلبان بس يتصدق

وفي الخير دايبا يسبق

وسبحانه المولى في كتابه
قال الخير حيلاتي ثوابه
لوما معكش حاجه تقدمها
قدم كلمة واخلي سبيلها
كلمة تساعد واحد مسكين
جرحه بينزف بقاله سنين
كلمة تعينه ينسى متاعبه
ويبقى كفاحه راح بمصاعبه
يا أأأ على الكلمة الحلوة يا ناس
شجرة ثمارها دفء وإخلاص
الكلمة الحلوة تقربنا
ولا يمكن حاجه تغربنا
والكلمة الحلوة دي جميل
عهد ومكتوب على الجبين

ان صاحبها يردها ليك
ولو يوم جار وتعال عليك
المولى حيحاسبوه عليها
وحيخسر ولا يوم يلاقيها
أما انت يا صاحب الإحسان
مين قدك في الدنيا كمان
المولى يبارك في ولادك
وأبواب السعد كده معادك
وسبحانه جلا من قال
وهل جزاك إلا الإحسان
احسن يحسن ربنا عليك
ودايما تلقى خيره مكفياك
وصدق رسولنا الكريم وقال
ما نقصت صدقة من مال

ورسالتني كلها تقدير
لشخص يرد جميل
ويقول أنا ليك مديون
الكلمة الطيبة بتصون
ويارب الحمد دا ليك
والاحسان كله كان بيك
وياريت شعارنا يكون
الاحسان هو المضمون
المولى راح يرضى عليك
ويزيدك وفي الخير يديك
ويابركة دعوة علبان
مستني رافة وإحسان
والفضل منك وإليك
تكرمنا وهدانا ليك

سد عالي يا حبيتي
يا حبيتي في قلبي ليك حب كبير
حب يخلي الصخرة
حتى في مكانها ممكن تلين
بس مش عارف أقول ... يمكن خايف
من الظروف او من العزول
إزي واحد زي فقير معدوم أسير
بيقضي يومه في الطواير
ازي يحب بنت بيقولوا عليها بنت ناس
رغم علمي وطول حلمي
بيقسمونا ناس وناس
بينني وبينك فرق كبير
هو الحل اداري عليك حبي

يمكن يجي عليه يوم أقدر أزيح فيه الهموم
وأقدر أقولك على اللي ساكن
جوا قلبي وهو حبك

أنا الشهيد

روح برضاى وكان استشهادي في الميدان اكيد
ضحيت بعمرى علشان تعيشوا من غير تنهيد
راح منى عمري وزهرة شبابي في ظلم عنيد
الفوضى كانت سبب لموتى غير التهديد
أهو دين ودفعته وعليكوا انتم بقى التسديد
أمى بتبكي شايف دموعها ماانا بصري حديد
خلاص يا حبيبتي من النهارده انا في عالم جديد
لا وسطة تنفع ولا كلمة تجرح ولا فيه تشديد
سبقني عملي على الجنة يجري وانا سعيد
ياما عشت سنين احلم واتمنى اكون شهيد

أم الشهيد

رايح فين يا ابني يا وحيدي
خليك معاي ساييني لمين
قال على الميدان اشارك زملائي
كفاينا بقى سنين ساكتين
مشي من ورايا وراح على الميدان
وفجأة سمعت صوت وأنين
الدم هرب ونشفت عروقي
وحسيت برجفة ودموع نازلين
إبني خلاص مات في الميدان
انا شايفه واحد فيه شايلين
اكيد مش هو دا لسه طالع
صوته في وداني زي الرنين
بيقولي يا أمه انا ماسك طوبه

أرمني بيها ناس ظالمين
عايز حقي في أرض بلدي
كفايه بقى فقر ودين
طلعت عنيه في مذاكرة صعبة
وفي الآخر يا امه عاطل حزين
دخلوا عليه شايلىنه بينهم
وشه بيضحك من المبسوطين
ماقالش كلمة يبرد نارى
وراح وسابني انزف حنين
دا كان وحيدى وسند ليه
أروح يا ربى وأشكى لمين
يا حبيبى يا ابني يا نور عنيه
الدنيا ظلمة والقلب حزين
أنا عارفه إنك شهيد يا ضناياي
وفي اللجنة انت من الفايزين

نصيحة شهيد

ياما حلمت عمري كله اني اموت في يوم شهيد

تكونلي صورة في الميدان

متعلقه في سور حديد

مكتوب عليها اسمي وصورتي

والناس تشاور اهوده الشهيد

وشي بيضحك مافيهوش

دموع عرفت مكاني الجنة أكيد

عاد ليه بصمة في بلدي تأثر

وتاريخنا حيكتب اسمي شهيد

لكن انتوا بروضه عليكموا مهمة

حافظوا على الثورة من التهديد

عايز توصل في يوم للجنة

عائز تموت زي شهيد
حافظ على بيتك من الأعداي
حافظ على أرضك وقول بلادي
ضحى وموت من أجل هدفك
ساعتها اكيد حتكون شهيد
هي الشهادة ثورة وخلاص
معنى الشهادة يعني الإخلاص
ويكون وجودي في الدنيا له معنى
أوصل بعلمي لآخر الدنيا وانفع ولادي
ويخلد اسمي في تاريخ بلدنا
ويقولوا عني دا كان شهيد

سامحيني يا أمي

آه يا أمي ياللي دايا شايله همي
من بدايتي لما كنت صغير وبأحبي
كنت ابكي على أي حاجة عايزها ابكي
وانت يا امه صبورة كنت تحنو
وتطبطبي عليه او تضميني لما أبكي
كان بكايا علشان لعبة
أو عشان حاجات مش فاهمها
وانت دايا حاسة بيه
وتقوللي بكره يجي الدور عليه
يعني بكره يا ابني تحس بيه
لما أكبر لما أعجز
والا عملته ليك في عمري كان بخطري

مش غصب عني بس بروضة لازم
انت كمان يا ابني تحس بيه
لما تلقاني مريضة أوعى يا ابني تقول أذيه
لما تلقاني مش قادرة أسمع حس بيه
بكره تكبر يا ضناياى بكره نفسي ألقاك وراياى سند وحماية
كل ده وأنا مش فاهم الكلام ده
يعني ايه أحس بيها وبلاش معاندة
ولما رجعت ذاكرتي بيه وافتكرت
سنين حنية وازي في يوم كنت
اصرخ في وشها وهي بروضة تطبطب عليه
ان قالتي مش حتسهر يا ابن اكبر
خش ذاكر علشان تنجح انت اللي ليه
مش حتلقى حد يحبك قدي يا ابني
مش حتلقى حد يضحى علشان بيبي

وانا كنت بأهدم وهي تبني
إن قالتي كُل ما اكَلش
هو بس عناد يا عمري
والنهارده الدنيا لفت والصغير كبر خلاص
ومر بتجارب عرفتوه معنى الاخلاص
وعرف يعني أيه أم تعاني
علشان تكبر علشان تفرح
وهدفها بس نجاح ولادها
تسلمي يا أمي الف مرة
وسأخيني لو في يوم سمعت مني كلمة مُره
عرفت قيمتك عرفت هدفك

ما يقال في الأدب

ليس الجمال باثواب تزينا
إن الجمال جمال العقل والأدب
ليس اليتيم الذي مات والده
إن اليتيم يتيم العلم والأدب
ليس الغنى في كثرة المال
إن الغنى غني النفس والأدب
ليس الفقر في قلة المال
إن الفقر فقر السعي بالأدب
ليس العلم تحصيلاً بلا هدف
إن العلم أعمال العقل بالأدب
ليس القوي من قويت عضلاته
إن القوي قوي الحجة والأدب
ليس المريض مريض الجسم والبدن
إن المريض مريض الضمير والأدب

تقاليع الشباب

تقاليع شبابتنا حاجة تغيظ

بناطيل مقطعة وتعاويز

وقصه شعر عرف الديك

بيقولوا عليها جامدة وشيك

ولبس أساوير وانسيال

وسلاسل فضة يا عيال

ولا نافع نصيح وارشاد

يقولولك لخص في معاد

وغير البناتيل النازلة

غيروا كمان لون الجزمة

وبقت ماشاء الله كده لونين

علشان بيها نخزي العين

والله يا شباب دا حرام
عاشين في ظلم واوهم
تقاليع غريبة نقلدها
وموضة فارغة نعددها
نرجع ونقول دور البيت
بندور عليه بس ياريت
يهتم تاني زي زمان
ويتابعوا اللبس وكله كمان
حتى المدرسة ليها دور
الكل في بلدنا مسؤول
كلنا بنكمل بعض ياناس
نبدأ صح حنبنني أساس

شكرًا يا أمي

شكرًا يا أمي

يا للي ياما عملت ليه

يا للي علمتني يعني ايه معنى الحنية

شكرًا يا أمي

يا للي دايا شايله همي من بدايتي

كنت دايا طريق هدايتي

شكرًا يا أمي

يا حببتي يا للي علمتيني أحافظ على صلاتي

هي ابدالي في حياتي

شكرًا يا أمي

يارب دايا دايا معاي

ونجاحي كله دا مش كفاه

ست الكل أم الشهيد

ست الكل أم الشهيد

عيد الأم ليها أكيد

ضحيت بفلزة أكبادها

واليوم حنكتب أمجادها

سجل تاريخنا إنها أحسن ام

في الصبر دايم شايه الهـم

أحنا ولادك وحوالك

فخورين بتربية ايديك

ابنك شهيد راح على الجنة

يا بخته فرحان يتهنى

حقك يا أمي تكوني فرحانة

وتدعي وكل الناس سامعانا

نحمي بلدنا لو حنموت
نفدي ترابها بأعلى الصوت
ومهما كان الفراق أليم
شهيدينا يستاهل تعظيم
والعظمة لله اختاره
وفي أحسن مكان بقي جاره
على الجنة متعني وسعيد
مبورك عليك يا أم الشهيد

* * * * *

نفسي أفرح

من كثر الألم تعبت روحي
وساعات أبكي ويزيد نوحى
لكن في ألمي أنا بأخبي
وناقصني ناس تكون جنبي
وأه يا دموع بأداريها
وعن اقرب ناس بأخبيها
وملاحي بتقول دي سعيدة
والفرحة معاها في تاييدة
ودموعي جوه في ضلوعي وغلبت أغير موضوعي
وأرجع أصبر كده في روحي
وأقول للفرحة اوعي تروحي
زوريني لو حتى شويه
خلي في قلبك حنية

أغاني مهرجانات أنا أصلي فاضي

ياعم كفاهه علينا
قاعد بتبصر ليه
بتقول ولاد خفيفة
هو احنا عملنا أيه
بنشرب السيجارة
وبنمشي كده في الحارة
ولا حد بيهمنا
طب هوا دا ذنبنا
أنا قاعد أصلي فاضي
فاضي مش لاقى شغل
وغلبت أشكي يا قاضي

ولا نافع ليه حل
ساعدي ألاقى شغله
وأريح كده بالي
وسعاتها نحل الأزمة
وادعيلك انت يا غالي
طب دا انا جوايا طاقه
في الشغل وفي النشاط
بس مستني فرصة
وأطير على البساط

يوم اليتيم

وصى الإله عز وجل على اليتيم

وقال في كتابه العظيم

فأما اليتيم فلا تقهر

وسبحانه الكريم لما بينذر

والآية دي مفهومها أیه

نشوف یتیمنا ناقصه أیه

الیتیم ناقصه الحنین

ناقصه حزن دافي یلین

یعني فرحة تنور عیناه

یعني ضحكة ارسمها لیه

مش بس أساعده بالسؤال

أو حتی اعمل له احتفال

وبعد كده ضاع الكلام

ولا فيه سؤال ولا اهتمام
سيدنا الرسول وصى وقال
أمسح دموع يتيم تنال
شفاعته في يوم الزحام
تبقى رسالته شاملة العوام
وهدفنا من الحفلة كمان
أزرع في قلبه ثقة وحنان
ويحس بشعورنا تجاه
ويسعد أهله بعلمه وجاه
ويعرف أنه مش وحيد
ويقدر يشارك في تاريخ جديد
ويسجل اسمه وسط الشطار
وبجهوده يقدر يصنع قرار
وساعتها تبقى رسالتنا له
وصلت اكيد ونجحنا بيه

الموتسيكل موت للنهاية

الاسم من وصفه كفايه

الموت أوله ونهايه

ويا خساره يا شباب موهوم

بتشيل عيلتك في هموم

لو مش موت يبقى تدمير

وبحادثة غيرت مصير

او جايز تعيش باعاقة

ويا خسارتك من بعد لياقة

وحتندم وحتخسر روحك

ولا حدش راح يسمع نوحك

ودا كله كله وانت محظوظ

ولا نافع وسطه ونفوذ

والطرف الثاني الغلبان
اللي سواقته بسرعة جنان
الموت مصيره ونهايته
ومخدش من الدنيا كفايته
ياما غلب أهله يا ناس فيه
الموتسيكل يا ابني ارميه
او بيعه وسدد الأقساط
دا الدنيا تحتك في بساط
حتتهور وتشده بيدك
ولا ندم ولا دمع يفيدك
وحتكتب شهادة وفاتك
وخلاص راح تنهي حياتك
وارتاح بس اتعب أهلك
موتسيكل الموت راح يندهلك

وياريت يا شبابنا ياريت
تسمعوا مرة كلام البيت
وابعد عن موتسيكل الموت
خلي ضميرك يبقى له صوت

نداء للمصريين

يا كل مصري ... يا كل مصرية
إحنا ليه بنختلف أكيد في حاجات ممكن تقربنا
يعني مثلاً الأرض ديه ... أرضنا
عاشين عليها كلنا ... دايا في خيرها بتضمنا
حتى الديانة ... مقولش قبطني ولا مسلم
دا إحنا قرآنا أعظم وأسلم
دين التسامح والمحبة والقبول
لا عمره فرق بين غني أو فقير
وقال السلطة كمان تزول
طب يعني أبه ... طب يعني ليه
ولحد أمتي ... كل يوم في وطننا حد نبكي عليه
فكرين زمان ... عشتوا الأمان

طب ليه مبرجعش تاني ليه
علشان ولادنا يقدرُوا يعيشُوا عليه
فكر في إبنك أو في بنتك
عايز تسيله لو مشيت من الدنيا أيه
تسييله سلطة وتطلع عنه
ولا الأمان يبقى إلا ليه
إوعاك تقول دا كان وكان
كفاينا بقى ... لوم وجنان
إطوي معانا كتاب قديم
وإبدأ وعيش وإنت كريم
والظلم لازم يوم يروح
بس إحنا وأنت نقدر نطبطب على الجروح
ونداوي اللي نقدر عليه
ونسلم لبعض وكفايه ليه

بطل تلوم بطل تذوم
يمكن في يوم
نلقي في نور
والفجر مهما طال الليل
راجع ينور وطن جميل

ندالة الغربية

يا صاحبي اسمعني شويه

كفاه ظلم وأسيه

قاسيت كتير وبقى لي سنين

غريب في غربه ما فيها حنين

ودموعي بتواسي جروحي

وعمال بداري في ضلوعي

واسأل في روحي عمايلك ليه

قسوة وظلم علشان أيه

دا أنا وانت عايشين في الغربه

لا فيه جليس ولا فيه صحبة

يا صاحبي فين الحنية

ضاعت وبقى بينا ازيه

دا أنا اللي ياما وقفت معاك

ولا كان لي شغلة إلا رضاك
وبعد ما وقفت على رجلك
نسيت في لحظة كل ماليك
يعني مع الغربة اسيه
وفي الآخر انا روحت ضحيه
نفوسنا بيغيرها المال
ولا عاد فيه رضا ولا راحة بال
يا خسارة يا ابن بلدي عليك
دا أنا ياما خوفت وقلت أفديك
لكن انت بايعني وقابض
ولا همك عشرة ولا روابط
وآه يا زمن كله مصالح
الشاطر اللي بينصالح
وبييع أخوه علشان نفسه
وفي الآخر بيعسر ياناس نفسه

عقوق الوالدين " أم الرجالة "

أم الرجالة يا خسارة دي حقيقة يا ناس
مش بس كلام ولا فبركه كده وخلاص
بعد ما تربي وتعلم ينسى المحروس
واول حاجه ينساها طبعًا عارفين
أمه ... اللي ضحت علشانها وكافحت سنين
عاشت تحلم بأولادها وتقول دول عزوه
ويا ما ضغطت على أعصابها
وكترت ديونها وحسابها
ودا كله علشان ... علشان تربي رجالة
قالت مفيش حاجة محالة
وفي الآخر ينسى ويعيش
وتعيش هي في وحدتها ولا تلاقيش

ونيس ينور كده ليلها
ويكون سندها واملها
لكن يا خسارة يارجاله على ورق الحايط
نسيتوا ضميركم وفكرتوا بس في الصيت
يمكن تكونوا عايشين في نفس البيت
لكن لا بتسأل ولا تنزل ولا يوم عدت
وفي ناحية تانية بنلاقي رجاله تانيين
يزهق من امه ويرميها في دار مسنين
ورجاله تانيه تسيبها من غير ضمير
تتاجر تكافح من الأول ومفيش سبيل
تلاقيها عايشة كده وحيدة من غير أولاد
ولا حد بيسأل ولا يزوها غير في الأعياد
وحكايات كثيرة فيها مآسي ويكفيننا الشر
عقوق الوالدين زادت ولا عاد فيه بر

ألبوم ذكرياتي

صديقتي ... قوليلها ألبوم ذكرياته اكتمل

قوليلها إن جرحك خلاص أندمل

قوليلها انها كانت الأمل وكانت الحلم

اللي انتظره سنين من غير ملل

قوليلها إن غدرك وجرحك كان سبب

وكان له مفعول العجب

قوليلها أنها فجرت ميت بركان غضب

وتعب لما طيف حبك نضب

ومن بعدها جاني يدق الباب ألف طاقة أمل

ونسى معاها اللي شافه منك

والعلل لكن الغريب

إن صورتك مش موجودة في ألبوم ذكرياته

معقول ... انتي اللي منسيتش ما حاربتيش

هو ضحى لكن انتي لا

هو واضح وانتي غامضة

بس خلاص خلص الكلام

والخيطة انقطع من غير سلام

بس حلفت بدموع عينيه

راح تندمي إنك رفضتي تكوني ليه

ورغم جرحي ورغم حزني

قدرت أحولهم لفرحي

وصمدت ونجحت في حياتي

وخلاص ماليت ألبوم ذكرياتي

بس إنت ملكش مكان

وحبك في قلبي في خبر كان

قصيدة النهاية

"هي مصر"

عرفتوا مين هي الحبيبة

وهي اللي من قلبي قرية

هي مصر اللي عايشين في خيرها

واللي مستنيه نطيب خاطرها

هي بلدي اللي ليها عندي مكان

اللي فيها بأشعر بأني صحيح إنسان

وبأحسن بيها لما أسيها

لما أسافر عن دروبها

أرجع وأحن بسرعة ليها

وأقول حبيتي وخيري فيها

هي الوطن اللي في قلبي ... ياما داريته

وفي صمت حبي عن أغلى الناس كما خبايته
كنت فاكر إني أقدر إني أعيش
لاقيتني وحدي من غيرها جنبني تاني مليش
هي أرضي وهي عرضي للنهاية
ومهما حاحكي في حب مصر دا مش كفايه
بلد الأمان عيشه بسلام
مصر دي إيه ليها تاريخ
ذكره القرآن وحديث شريف
فسر حكاية يعني الخلاصة
حبك يابلدي بقى عندي غاية
يحميك ربي وتعيشي دايا منصوره بينا ومرفوعة الراية

متغربين

متغربين في بلد واحدة
بدل ما تبقى أيدنا واحدة
والظلم كده وفي أي مكان
لا يهم أخوك ولا حتى جيران
خلافنا بقى على أي كلام
ولا فيه إحترام ولا أي سلام
بتقولي أرضى بكلامك
يا أما أقاسي بملامك
بالذمة هو كده الدين
فرق وخلي الشك يقين
لا يا أخوي يا مسلم لا
مش بالازية حتبقى إله

قرآنا قال نعامل الناس
بالرحمة واللين والإخلاص
عائزين بلدنا تعيش في أمان
مسلم مسيحي في أرض الأديان

حافظوا على مصر

يا الله يا مصري إنهض قوم
كفاينا كسل كفاينا لوم
أدفع يا الله وأنقذ بلدك
إنت صحيح شاطر في العوم
مش عايزنها ثورة وفوضى
عايزين نصحي بقى من النوم
قولت مطالبك إصبر حبه
سيبك بقى من العصا والشوم
ولا لقيت الموضوع ساهل
قلت أغرف بقى بالكوم
عشت سنين الظلم بعينها
فقر وجوع ونقول صوم

حقني وحقك راجع ثاني

بكره حناكل عسل ودوم

يعني نصبر بس شويه

ونبدأ صبح لو من اليوم

يعني نحافظ على أمجادنا

وننسى صور الظالمه اليوم

نبدأ صفحة جديدة علينا

نختار شكل للألبوم

كل العلماء هنا من بلدي

امتازوا أبحاث وعلوم

إوعى تضر أرض بلدنا

ترجع تبكي ثاني وتلوم

عارف عشت الفقر معانا

ومن خير بلدي أنا محروم

ياما ضحيت علشان الظالم
وأنت حقك كان مهضوم
لكن الوقت خلاص إتغير
وصوتي حيوصل تاني مفهوم
لكن إوعى تخسر أرضك
حتعيش فين وأنت مهزوم
هي بلدنا وغاليه علينا
يالله نحافظ بقى ونقوم
كل واحد يخلص في عمله
إنت خلاص بقيت ملزوم
كل حقوقنا ... حتوصل لينا
لكن واجبي أنا بيه ملزوم
واجبي نحافظ على أراضينا
وساعة الجدد تلقى هجوم

لو فكر يعاديك غريب ...
ادفينه ... فيك وبلدي تدوم
وإمسح دمعك من على خدك
تعيش يا مصر وفيك نجوم
يحمي ترابك يا أرض بلادي
من سينا لحد السلوم
يا أرض الجنة ذا الخير فيك
واصل الدلتا والفيوم

* * * * *

في حب الرسول

طابت بحب المصطفى الأوقات

وتزينت بمدح الأبيات

خير البرية وخاتم الرسالات

صلى عليك المولى في سمواته

واتزينت سدره المنتهى باللقاءات

وتعلق إسمك بالذات الإلهية في الصلوات

فأنت الإمام المصطفى من جاء بالرحمات

أعزك الله بالأخلاق والعبادات

فكنت قرآنا تسير على الأرض والطرق

فأنت القدوة والمثال وصاحب المعجزات

من كان مولده في عام الفيل يوحى بالبشارات

فقد أذل الله القيصر في سكنته

وأزل عرش كسرى في لحظات
وجاءت البشارة بمولد البشير فتحياتي
من ذاق اليتيم وأنزل الرحمات



فهرس القصائد

فهرس القصائد

القصيدة	الصفحة
إهداء	٣
مقدمة	٤
الافتتاحية "حييتي مين"	٥
وطني مين يشبهك	٨
وطني	١١
يا رب احمي مصر	١٢
وأه يا مصر "الطيارة المنكوبة"	١٤
الباخرة سالم اكسبرس	١٥
شوفت الغلبان	١٧
ليه يا بلدي	١٩
رسالة للوطن العربي	٢٣
يا رب احفظ مصر	٢٥
في حب مصر	٢٨
مصر مين	٣٣

الصفحة	القصيدة
٣٦	صعبانة علي يا بلدي
٣٨	قناة السويس الجديدة
٤١	طوق النجاة
٤٤	مسافر
٤٧	حنيني مصر
٥٠	بأحلم
٥٣	عزيمة المصري
٥٦	بحبك يا مصر
٥٨	انتصارات أكتوبر
٦٠	أمسحي دموعك
٦١	مسلم وقبطي
٦٣	راضي بحالي
٦٧	المجرة غير الشرعية
٧١	تجار السموم
٧٥	كله سلف ودين
٧٧	كيف تعامل المرأة
٨١	وبعد أنت يا زمن
٨٣	قطر الحيا

الصفحة	القصيدة
٨٧	اعمل خير
٨٩	حب ميت
٩٤	حب من غير أمل
٩٩	نظرة عين
١٠١	لوعة حبيب
١٠٣	مناجاة حبيب
١٠٦	ملهمتي
١٠٧	تحية للرئيس
١١٢	مين هو الشعب
١١٦	رد الجميل
١٢٠	سد عالي يا حبيبتني
١٢٢	أنا الشهيد
١٢٣	أم الشهيد
١٢٥	نصيحة شهيد
١٢٧	سامحيني يا أمي
١٣٠	ما يقال في الأدب
١٣١	تقاليع الشباب
١٣٣	شكرًا يا أمي

الصفحة	القصيدة
١٣٤	ست الكل أم الشهيد
١٣٦	نفسى أفرح
١٣٧	أغاني مهرجانات
١٣٩	يوم اليتيم
١٤١	الموتسيكل موت للنهاية
١٤٤	نداء للمصريين
١٤٧	ندالة الغربية
١٤٩	عقوق الوالدين
١٥١	ألبوم ذكرياتي
١٥٣	قصيدة "النهاية" هي مصر
١٥٥	متغربين
١٥٧	حافظوا على مصر
١٦١	في حب الرسول
١٦٣	فهرس القصائد

تم الصف والإخراج الفني

بمركز الصفا للثقافة والفنون

مصر - مدينة سمند - دقهلية

هاتف: ٠١٢٢٧٥١١٠٠٣ - ٠١٠٦٦٩٨٤٠٥٥
